

Transkription von Urkunde SDL 1345b

Ort, Datierung: Stendal, 1345-11-13

Signatur: Stadtarchiv Hansestadt Stendal, U1, 85 (7)

Inhalt: Rat, Schöffenschaft und Gildemeister der Stadt Stendal: Entsendung von
Schiedsmännern

In deme name(n) Ghodes , so si witlick , alden de dessen bref sen vnde horn , Dat we schepen , vnde Rad ghemeÿne , vortm(er) we gildemeste(re) vnde ghildebrûde(re) ghemeÿne / vter wantsnider ghilde vt(er) wantmeker ghÿlde , vter kremer ghilde . vt(er) gherwer vnde der schomek(er) ghÿlde . vt(er) korsenwrecht(er) ghÿlde , vter knokenhow(er) / ghÿlde , vt(er) becker ghÿlde , vnde vortm(er) we borgher alghemeÿne , Ryke vnde arm , in der stad to stendal , we betughen vnde bekennen openbar in desme bre=/ue, Dat we endrefleke vnde met eneme willen , vnde met eneme rade , met gphantser wlbort hebben , vtghesant , desse vrome bederue lude , de hir na be=/screuen stan , vse kvmpen , vnde vse borgher , vt vnser stad to stendal , van des rades wegghen , Lemme kremer vnde woldenken van arneborh , van der wantsnid(er) / wegghen vraken gholtbeken , van der wantmeker wegghen alarde van doberkow vnde hanse osterborch , van der kremer wegghen vraken bodeker , van / der gherwer vnde der schomeker wegghen , mathias miltarde vnde henneke suechten , van der korsenwrechter wegghen Ethgard hauen , van der knokenhower we/ghen , arnt gheÿlen vnde henneken bodincg , van der becker wegghen heÿne swechten vnde hans ghussevelt . van vser meÿnen borgher(en) wegghen , Hen(n)ing(e) van borstal / de schun dedinghen van vnser allerwegghen vm den krich vmme den vnmut , vnde vm de twidracht vnde de schelinge , de vnder vs is , vnde hebben alle wl=/bordet vnde wilkoret vnde ghelouet , bi liue vnde bi ghude , allent dat desse vorbenumede lude dedinghen van vnser allerwegghen , dat we alle vorbescreuen / borgher dat stede ghans vnde vast vnde vntebroken eweleke vnde vmm(er)mer holden willen , svnder allerleye bose list Dat loue we vnde dat wilko=/re we in ghuden truwen bi liue vnde bi ghude , als hir vorscreuen steÿt , Tho eÿner betughinge vnde wisheÿt desser vorbescreuen(en) dincg so hebbe we / schepen to stendal vor vns , vnde we Ratman to stendal vor vns vnde vor vnse meÿne borghe(re) to stendal , vnde vortm(er) alle we ghulde meste(re) vnde ghulde / brudere , van allen ghÿlden vorbescreuen met ghuden willen , an dessen bref vnse ingheseghel ghehangen , na ghodes bort . Driethundert iar , vif vnde vertich / iar Jn sēte brÿccijs daghe .